

溫州市圖書館

東甌詩存卷二十三

明

王叔本

字立德號後橋永嘉人國學生以父沛廕鴻臚署丞存詩五首

江心避暑

尋幽來古寺露頂坐蒲團雲散諸天淨江空六月寒叢
林開雪竇曲檻落風湍一入清涼界頓令心地寬

送項季輿遊吳

信美通家彥修名早已殊高懷傾四海遊興滿三吳鳥

永嘉會

唯近堂錄



Handwritten characters in the right margin, including a circled character and other faint marks.

去烟光暝帆飛雲影孤王孫江上路回首盡靡蕪

送洪霍山山人遊燕楚

閒身不繫若雲浮忽謾乘舟事遠遊
醉月幾傾燕市酒采真仍泛洞庭舟
故人交誼青雲契詞客才名白雪幽
徒倚江樓遙送目寒烟柳色倍離憂

靈峯洞

洞天虛敞淨烟氛望裡諸峯秀不羣
翠壁玲瓏含旭日丹梯峻絕挂晴雲
隔林霞彩空中變近寺鐘聲象外聞
欲駐頽齡問棲隱千年石髓若為分

九日同家兄遊采真寺

水落青山暮雲開碧樹秋
喜逢重九節共作采真遊
刹烟霞古叢林紫翠浮
呼空歸龍小策杖陟丹邱浩渺
孤雲思逍遙野鶴儔巖苔依
冷澗葉逐溪流雁影風
前度虹陰雨外收徑穿松葉
道崖覆桂香幽秋色涼如
洗歌聲晚更適何當謝塵鞅
勝賞足淹留

王叔懋

號見鶴激子以父騰鴻
臚寺署丞存詩一首

遊仙巖

幾年蹤跡寄江湖每憶空山得自娛
雨後瀑喧芸閣濕夜長僧定佛燈孤
鐘聲百八誰虛枕世界三千厭道途
他日重來尋勝事禪關應許共跏趺

張鳴鸞

字仲儀純子嘉靖乙卯舉人授宜陽教諭存詩二首

送章一山南歸

花柳爭妍夾萬川紅雲如繡綠含烟孤帆此去看圖畫
百轉鶯聲勝管絃久客頻趨金水石到家疑在玉堂前
風流我憶王摩詰為寫江南雨後天

謁文文山先生祠

回首中原盡寂寥還將龍陣認前朝龍翔無復千官集
甌海空來半夜潮杜宇聲殘月孤航去去逐輕颿
獨留風節昭青史正氣於今在九霄

張鳴鶴

字仲臯純仲子嘉靖例貢任淇縣丞著有鈞元集存詩四首

寫梅贈友

春光消息屬寒枝有句 司華贈可人緣路阻

臨風寫寄白雪隈

贈李寒明

雲捧月離滄海疎影分天上正好尋詩寄幽興

不知玉露已成霜

贈楊南麓進士

黃花山下景偏佳驚見寒梢帶月斜問字何人能載酒
草元堂外擁青霞

雪梅

玉皇昨夜散瓊葩
點綴東風第一花
紙帳獨眠幽夢醒
寒光清映碧窓紗

林宗教

字希導永嘉人嘉靖
人官貴陽通判存詩

辛酉舉

澄鮮閣懷古

松老祠宮裊兔絲
南枝不吹歲風悲
睢陽力盡還為厲
諸葛身殲欲報誰
江海朝宗
月意泮杭回首悵無期

洲前蘋藻秋堪薦
淚灑當年

事碑

王

煦

字景陽號西軒
嘉諸生存詩一

送玉沙弟北上
謂與致虛偕行

草映青袍色倍明
長路雁行堪作侶
故園花萼不勝情

東風煖拂烟臺柳
好聽宮鶯滿禁城

陳一貞

永嘉人嘉靖戊午舉人
任滁州知州存詩一首

紫牡丹

靈根分自魏家來
三月清明花始開
幾度彫零人不識
會須移向五雲裁

王光蘊

字季宣叔果子嘉靖辛酉舉
人官寧國同知存詩十三首

秋日入半山

夙昔耽幽僻
山中窮冥搜
書臺並吟榭
選勝羅青邱
歲久蔽榛莽
峯泉含深愁
吾生秉微尚
睠此復何求
子真

東園詩存
四
棲谷隱向平懷嶽遊秋陰翳叢薄四壁松雲流願托杯中物聊以寫我憂

燕子磯用二叔父原韻

靈島渺瀛洲登臨縱客眸銀濤浮曉日碧樹倒寒流塵隔三千界霞標十二樓清游渾未愜幽意白雲留

羅田巖謁濂溪周先生

先哲遺芳躅斯文得嗣音池蓮還在目庭草亦知心四壁流文藻千峯結翠陰渚蘋秋可擷仰止意何深

秋夜半山菴侍叔父暘谷後橋二公

諸父談經日烟霞思不窮山齋扃竹雨水榭落松雲訪

舊逢秋爽從遊至夜分故林猿鶴在相對幾回聞

廬山道中

竟日廬山道驅車歷翠岑浮嵐含樹暝飛瀑落峯陰徑轉迷樵採林深出梵音悠悠此行邁未可足幽尋

初春疊嶂雅集梅雨金以詩見貽依韻答之

遙郭環青嶂高軒嵌碧霞一樽開栢葉雙屐問梅花月露怡心賞春風感物華宛陵星復聚太史奏應誇

少華兄過郡齋贈別

千里勞相訊悲歡感昔遊問年同老大卜夜足綢繆捲幔雲生榻停杯月滿樓新詩欣共賦春草綠盈眸

嚴子陵祠

千載桐江上猶存高士祠青山遺舊像白日照殘碑今
古雙蓬鬢乾坤一釣絲登臨發清嘯恍見客星垂

江心寺同諸昆酌月次韻

乘月躋孤嶼澄江渺素秋烟浮疑岸接浪濶合天流對
鏡心如洗聽歌思轉幽同憐今夜夢春草滿芳洲

憑虛閣宴集

峒巖傑閣俯瑤京碧樹飛甍拂曙清縹緲丹青天外合
濛蒼翠坐中明塵超萬劫開龍藏雲起三山繞鳳城
日暮禿鬚共山侶却疑身世是蓬瀛

游雨花臺謁南渠公祠

帝城佳氣曉蒼蒼極目三山思渺茫石磴曲盤雲樹暝
天風輕度雨花香空中華塔標靈界江上飛帆帶夕陽
無那登臨感今古還尋京兆舊甘棠

廣陵別葉仰山

關河楊柳語流鶯到處猶聞求友聲風雨孤蓬同浪跡
家園芳草倍含情一罇惜別憐清影廿載論心感舊盟
遲我山中共高卧小窓還對讀書檠

道中憶橫塘讀書處寄雁川叔祖

幾年散跡林塘幽明月溪南一釣舟別來客路渺清夢

東園詩存
望入滄波生遠愁
烟雨宛如摩詰畫
雲山故繞仲宣樓
江湖到處可乘興
檢點新詩寄我不

張存鉅

字雲橋樂清人嘉靖甲子舉人存詩一首

靈峯洞

蠟屐靈峯洞裏遊
旋攀石磴歷深幽
峯頭老樹連青漢
洞口寒烟鎖碧流
好鳥向人饒野意
時花夾道簇閒眸
忽忽未盡登臨興
尊酒斜陽且更留

方名

字蕩雲樂清人嘉靖歲貢任萬年教諭存詩一首

雁山

雁山高插天形勝
冠甌越老翠盤崆峒
靈籟發秋樾落

日愁棲猿秋空礙
飛鷲望望令人憐
浩歌石山吼

葉世德

字有懷號文溪樂清人嘉靖甲子舉人授廣昌令擢漳州倅存詩一首

能仁寺次韻

勝地逢佳節空林
一問禪偕行無俗
侶滌慮有清泉古
岫藏丹室竒峯吐
白烟莫言茲境外
更有十洲連

章九儀

字可象綸孫存詩九首

題畫

海國天初霽羣峯
翠欲浮舟橫春水
渡人待夕陽樓崖
屋纏青蔓江沙起
白鷗杖藜何處叟
扶醉過溪頭

書白馬寺壁

東園詩存
久住山中寺烟霞聽主張乾坤皆寓舍坵壑豈吾鄉蘿
月禪心定松風客夢涼題詩謝山后高興薄穹蒼

白塔寺

野渡垂楊偶繫舟上人邀我上方遊斷碑無字埋青草
古殿侵田繞碧流斜日向人猶戀戀涼風吹鬢故颼颼
晚來茶罷尋歸路一逕逶迤竹樹幽

次文卿冬日感懷

雨雪商量日日來閉門清守地爐灰梅花伴客寒相對
柳眼窺春半欲開生計可營惟筆硯壯懷堪寄只尊罍
何當飛上蓬萊去不惹人間半點埃

遊白巖寺二首

白巖寺境慣曾遊此度還尋絕頂幽山色雅能供客眼
霜花也解到僧頭小齋禪榻分清話高閣危樓散旅愁
不是醉來渾潦倒野夫狂性舊風流

勝蹟三年一再來老僧相引度丹崖林泉野色還無恙
天地浮生亦有涯載月已乘雙竹艇登山今辦兩芒鞋
箇中便是神仙境浪說遊仙事不諧

題山水

抱膝看雲坐石床瀑聲飛近意先涼山靈不掌烟霞柄
付與詩家自主張

題小景二首

屋上青山屋下泉屋頭芳樹淨如烟世間有景真如此
我欲移家住幾年

淡烟疎雨一山青

趙祖冬

字成夫號鶴溪永嘉諸生存詩五首

竹川別墅為金濬德題

竹川溶溶漾寒綠川上茅堂幾時築石縫陰凝翠粉香
蒲團晝靜青蟬落主人愛此行且吟青鞋踏破蒼苔深
風來忽作環珮響何啻熱耳鈞天音有時拏舟弄清泚

沙鳥忘機不飛起白魚釣得竹枝穿自向床頭開綠蟻
我來村南大阮莊登樓對此心即狂所聞終不如所見
便乘夜雪山陰航

謝公亭

謝公今不作亭植大江心事往青山在盟寒白鳥沉古
碑磨水影高樹落春陰登眺斜陽外長歌慨古今

寫懷

納納身如寄尊前按劍歌雨墻低覆竹風澗細搖波歲
閏逢寒早年登得醉多清時當自勉未許問漁蓑

淨社寺

春日登毘盧閣

佛閣峒堯接帝京，振衣四望敞春明。
九關車馬臨芳甸，萬井烟花繞禁城。
地迥綺疏還月色，天低銀漢自風聲。
瞻雲不盡思親意，聆梵空遺出世情。

送嚴中川補南康少府

薊門木葉度微霜，高館張燈共夜涼。
話別情依桑落酒，思家夢到水雲鄉。
征車謾詫王程促，宦况寧辭世路長。
暫爾哦松向橫浦，莫將枳棘歎仇香。

夜遊曲

舞燕起香塵，鶯歌出絳脣。
直須滅銀燭，恐有絕纓人。

張遜業

字有功，大學士，平敬次子。以廢授尚寶司丞。遷太僕寺丞。著有說江集，存詩一首。

遊仙巖寺

支杖探竒度遠峯，雲門遙見翠微重。
珠宮縹緲懸銀漢，寶樹參差鎖玉龍。
咽露蟬聲和法偈，出林香靄帶疎鐘。
尋僧擬結青蓮社，應覓廬山惠遠踪。

項敬祖

字季興，永嘉人。存詩一首。

重陽後三日王暘谷大參招陪吳翁晉飲江心寺

游興本來偏臨江，幾刺船身躋孤巖。
上望入九山前，但得簪黃菊何須玩白蓮。
東南賓主在一一，是豪賢。

陳鳴鳳

號觀溟，永嘉人。嘉靖歲貢，授九溪教。授著有鍾吾荆溪等集，存詩一首。

遊石門

人世見丹邱天然此洞幽山深藏怪石樹古幻蒼虬玉

乳懸空掛寒泉噴壑流竒觀吟不盡摩蘇紀曾遊

項日葵

字戴賜樂清諸
生存詩五首

玉虹洞中夜坐

元象從龍拔地生玉虹西掛翠嵐晴僧開半壁涵天住
客擁千星握月行下界風烟回首盡上方鐘磬遠空鳴

與君午夜峯頭坐遙看扶桑日色明

同葉義琢宿靈巖

十年結得此青山一度花開一往還湖頂有雲生絕壑
禪關無夢到塵寰雨餘石洞邀龍宿月上松林趁鶴閒
達曙酣歌君莫訝明朝身已落人間

再至雁山三首

兩到山中山轉青青山偏愛白綸巾一年一赴山靈約
爲語桃花莫笑人

女蘿棚下幾登山得到山中意便閒白玉芙蓉開落盡
金風又送菊花還

三十年前湖上霞有僧採綴繡袈裟只今僧與霞飛去
惟有湖雲管藕花

邱一龍

字義瑞號雨川瑞安人世
襲沙園所百戶存詩三首

江心卽事

百里潮平塔影雙羅浮飛翠上油幢一天雪意雲連海
兩岸梅花春渡江伏水蛟龍聽畫角避寒鷗鷺倚蓬窓
漫言此夕擒元濟九首天吳亦就降

呈觀察

先生久以旗牌官逐逐班行中心甚厭苦
之乃白觀察請以子代觀察未之許也先
生請之堅觀察命題一律每句以八音一
字冠首詩成方聽遂其志先生俄頃獻詩

金風吹破舊曇花石室分泉自煮茶絲盡已知蠶欲老
竹殘還喜笋初芽匏瓜秋後終難繫土藕春深未足誇
革故鼎新身合退木奴洲畔繼歸艖

寄縣尹

昨離府庫叩賢關咫尺門墻隔萬山雪裡曇花非易得
月中丹桂果難攀昔時將相稱廉牧今日文章重孔顏
歸把虬髯吟且將青燈教子莫偷閒

劉懋功

字忠父永嘉人著有紫
芝館集存詩十八首

名都篇

雒陽古名都璀璨何繽紛綺紈鬪妖冶佳麗逞嬌春千
金買駿馬七寶鏤香輪踈踈大堤上莽莽飛黃塵馳騁
爭意氣觀者皆逡巡少年自含笑欲輕七尺身吳鉤光
爛爛爲君來報恩

日出東南隅

日出東南隅照我秦氏樓羅敷年十五採桑南陌頭盈
盈妬秋水炯炯縣雙眸綵霞夾綺縟純穀交綢繆避人
還歛跡未語先嬌羞使君何方來停鞭為遲留如龍五
花馬五馬五諸侯賤妾自有夫使君何用求天地有大
義匹鳥依河洲蠶飢妾欲去春風從悠悠

塘上行

幽蘭出深谷芳香可人意菖蒲生淺池離離有佳思春
風乃敷榮秋風且妬忌慮年為盛衰感時成捐弃三春
蒲柳姿一掬傷心淚紅顏不久長白頭事良易願君貴
素心素心寧棄置

相逢行

白馬黃金鞭蹀躞垂楊邊相逢大堤上餘光浮紫烟左
挾趙女瑟右憑齊妹肩嬌歌白日緩倚醉春風偏六博
酣顧盼俠游爭豪賢薄暮歸倡樓燈火直燭天相逢不
敢問笑顧雙飛鳶

白頭吟

決絕復決絕恩情那久結君心如楊花因風落誰家今
日斗酒會明朝東復西君情與妾意似隔千重谿飛雲
思故山游魚思故淵新人既可念故人猶可憐團扇雖
純潔其若秋風何棄置乃常理碧海無迴波莫歌白頭

吟歌來愁人心。落葉隨風飄。落花泣故林。

石門洞

獨行恣幽討。聊以窮耳目。夕陰薄空山。昏嵐出深谷。斜暉映澤蘭。涼風入修竹。荒烟隔斷崖。天門落飛瀑。浮沫散珠幾。奔流震林麓。謝公故所營。殘碑草間宿。遂令軒轅坵。迷離走麋鹿。靈區渺莫窮。何處居可卜。彳亍曲逕間。嗽泉啜秋菊。

月出

月出東城隅。清光何蕭森。淒風生夜色。空雲結寒陰。坐久聞天籟。天地生清音。戚戚不自得。窮愁誰淺深。悠然念真性。明月照我心。

仙壇歌

有序

王昭夏讀書仙壇。山中因別號仙壇。問歌於劉子。劉子曰。爾用世者。仙遺世者。安事。夫仙昭夏曰。名之以仙。有待也。夫軒冕寧委蛻哉。劉子曰。誠然。可以語仙矣。遂爲歌之。

永嘉古稱山水區。勝甲東南甌。粵無日月兩丸從。跳躍滄海萬里來。奔趨風烟。每每射山鬼。蛟龍忽忽駢天吳。上有吹臺。蠡雲接蓬島。下有大羅砥柱。連封嶠。上下綿亘幾千里。幻出仙壇如仙都。瓊枝瑤草秀而野。紫霞甘

露味且腴芝田丹竈伏靈秘啜菽飲水若醍醐結廬其中王郎子神清氣爽美丈夫著得論衡自珍秘賦就登樓還廬何氣凌塵俗事事厭雅言析理人人殊既能推轂貧賤士况復愛吾高陽徒三年醉君蒲萄酒寸心驕爾青驪駒今人紛紛事崖塹君乃挺秀居菰蘆王郎子吾邀君家子喬吹玉簫共跨九苞之鳳雛御風踞爾仙壇上頤指列真如驅奴王郎子爾莫笑吾逐劉根紫髯神瞿瞿功成事竟拂衣去與爾遊遨於天衢顧視九州諸儉父纍纍羸一血肉軀

古長相思行

我思美人隔漢陽九疑日出烟蒼蒼望而不見心欲絕空留雜珮蘭茝香行雲行雨朝復暮無情有情誰之故哀狄飢飈深樹啼千秋神絕高唐賦

野田黃雀行

野田黃雀毋遠飛飛苦網羅棲苦飢蕭蕭短翮蓬蒿下噉噉黃口將雛歸鷓鴣翻翔莫相笑斥鷃上下空是非但令野田有遺穗長爾一身生計微

漫興

獨有羈魂在愁來每迫天醉能鳩拂舞閒悟馬蹄篇啼鳩應留恨飛花色故妍悠然荒逕裏埽石且高眠

送林希復之旌德二首

春江渺渺暮潮平，新柳青蒲照水明。
策馬江東無一事，題詩應問謝宣城。

長江控帶帝王州，山踞全吳最上游。
君到黃山深窅處，那能不一念羅浮。

悶二首

湘簾映月夜纖纖，坐愛空林露氣嚴。
身似倦飛天外鳥，江南何地問鷓鷯。

隴頭麥漸作黃雲，啼徹新鶯不忍聞。
路出南山須斂跡，更無人念故將軍。

歸途雜感四首

日出游絲遶樹飛，遙遙蒼雨濕征衣。
晚稷新釀家家酒，耐可天涯十月歸。

柳葉初黃柏葉紅，牛羊門巷暮烟中。
牧童歸卧清溪月，簑笠蕭蕭蔽晚風。

山館挑燈倍黯然，客愁零落不成眠。
且拚濁酒供他醉，寒雨淒風轉自憐。

輕風漠漠曙光寒，游食歸來笑鵝冠。
除却二三兄弟外，蕭蕭長鋏向誰彈。

康從理

字裕卿號曉山永嘉人處士著有二雁山人集存詩三十一首

劉忠父招集覽勝樓同歐經季羅敬叔

城帶飛樓迥。壺觴感故情。山寒衝日紫。沙白映江清。楚
雪篇篇細。巫雲片片輕。驚心傷舊別。握手話燕京。

與胡元瑞夜話

地僻沉更漏。燈花喜對君。衰遲翻有托。神秀本無羣。六
翮排青漢。孤踪傲白雲。不眠銷病色。擊節子虛文。

穀雨得所仲仁楚中書并新刻却寄

澗水春鴻度。遙將楚澤音。有歌皆白雪。無字不黃金。歲
月緣愁過。江山與淚深。休論燕市筑。飄泊奈同心。

丁丑除夕

歲盡天涯夜。悲歌倚蒯緱。路因難更苦。身傍老偏愁。濁
酒衣能換。朱顏鏡不留。十年湖海寄。飄泊浪成遊。

江行有懷社中諸友

扁舟投落日。遙夜楚江隅。月上寒潮靜。燈依野岸孤。馳
驅悲斷雁。牢落愧棲烏。一灑并州淚。東流入舊都。

歲暮泛彭蠡

曠望極平川。遙心白黯然。空烟疑有地。遠浪不分天。暮
色孤帆外。寒聲落雁邊。年催長路客。歸思倍堪憐。

舟中哭朱海峯

旅食悲妻子。孤裝執輓行。諾曾然夙昔。心豈隔幽明。角

東國詩存
傍寒城語濤兼夜雨聲間關千里道君見死生情

觀音閣

古寺夕陽邊憑虛思渺然江聲猶楚恨山色自吳年宿
鳥回清磬孤舟逗野烟長廊燈影寂徐步禮金仙

曲池草堂和韻爲項思堯賦

地臨滄海勝門向謝山偏養晦非忘世銷年祇尚元松
寒延月早花艷得春先且漫論高卧知君在呂虔

再至京口有懷金焦舊游

層城舒遠目迢遞送歸鴻歲月更新歷江山憶舊蹤鐘
聲春浪靜燈影暮流空媿有東林約無因問遠公

同王必漸言懷

江頭木落雁初飛客子傷心賦授衣鄉夢不緣千里隔
浪遊空說半生非雲山是處堪招隱塵海何年可息機
漫向天涯愁極目幽懷已負北山薇

懷顧太學

登樓風雨暮瀟瀟久客離魂黯欲消楚樹吳雲春寂寞
塞鴻江燕歲迢遙新愁芳草天涯路舊事梅花月下簫
今日分飛悲萬里憑闌搔首思無聊

送陳京兆致政還白下

挂冠東去共稱賢天外浮雲意渺然不是逢萌因世難

東園詩存
祇緣宏景嗜神仙，琴中白雪驚人調。江上青山負郭田，無限長干花柳色。春風不乏杖頭錢。

登燕子磯

雨過長林翠濕衣，澄江迢遞隱靈扉。濤衝絕壁看疑墮，雲擁危闌思欲飛。草樹依微分楚甸，樓臺掩映遶吳畿。憑高日盡歸鴻外，千古閒愁對落暉。

金臺懷古

高臺風急影蕭蕭，十載長安短髮凋。白壁幾人逢趙孝，黃金此地憶燕昭。霜含落日龍沙靜，草蔓荒原駿骨銷。莫問談天人已盡，雲中碣石自朝朝。

冬日王司馬唐比部攜酒過余薜蘿館分得秋字
荒亭高卧白雲幽，三徑慚君鉏馬游。玉罕似分仙掌露，黃花不冷帝京秋。琴書密坐疑星聚，鐘漏頻催傍月愁。倘念林扉塵土外，相過重爲薜蘿留。

秋夜同黃孔昭朱汝脩口二山湯開之李長倩集
惟寅白雲山房得盟字

黃花無恙玉尊清，海內新知此夜并。燈簇瓊枝秋並麗，烟浮仙掌月孤明。荷衣未老青山色，彩筆爭高白雪名。細語何妨宵已盡，天涯難得是同盟。

送司武選奉使還荊州

山川雄勝古荆州驛路千花照錦裘負弩競窺司馬節
揮毫重上仲宣樓窓中雨色來巫峽閣外江聲繞帝邱
總是故園春可戀莫忘鳴珮鳳池頭

諸君過余薜蘿館得家字

春寒未放上林花詞客相尋興亦嘉豈謂蓬蒿非蔣徑
敢云蘭菊是羅家山疑入坐青還滴鳥解窺人巧自誇
翻笑風塵車馬際能將薜蘿駐烟霞

送袁文谷還黃巖

都亭新柳挂春烟再煮雙鳧下日邊路入興公題賦地
名高漢主賜金年晴山夾坐明霞映霽月窺簾碧海懸

萬樹桃花□製錦閒心贏得試朱絃

寄戴梧臺太守

封書遙寄楚雲西日盡天南望欲迷碧遶城闌障水曲
青銜齋閣大庾低琴中白雪音稀和夢裡春蘭葉漸齊
却憶燕京花月在勝遊何日酒同攜

龍興寺對月懷故山二首

逕裡歸雲漸欲平獨行風物最宜情秋將城柝聲俱斷
月與禪林色倍清江漢儘堪容散髮薜蘿元不繫浮名
山中猿鶴應相待知向西巖此夜鳴

長鋏羞將出舊谿關河三月雁書迷歌邊白髮愁衰鏡

東園詩存
夢裡青山憶杖藜一涉風波皆畏路但歸蘿薜是安棲
怕飢亦慣妻孥色消得乾坤絕鼓鼙

寄陳玉叔學憲

絳帳春馳擁俊髦使星高照蜀峯高琴歌冷映岷山雪
賦筆雄翻灑瀨濤攬秀風雲扶蠟屐懷人書札問綈袍
相思可奈林中客蘿薜深居夢益勞

別胡元瑞

故人分手最傷心灑淚非關鮑叔金匣劒會知龍易合
緘書應恠鶴難尋無端金馬堪棲遁却愛青山自古今
一片甌江清夜雪相思不隔剡溪深

留別李惟寅

銷魂春草碧連天憔悴關山別酒前愁自風塵生敝褐
夢應烟月到朱絃清標迥照麒麟閣秀語長留海嶽篇
顯達只今無下士君能不減信陵賢

同黎惟敬唐惟良集鬱孤臺得奇字

星散真憐此會奇可堪臨眺轉淒其風飄城柝聲難定
月掛空林影漸移天外參商看有口意中山水聽無期
羊城歸客虔南史好寄梅花慰別離

黃河夜泊

燕雲朔雪路千重飛霍關河歲暮蹤日落帆檣隨雁鷺

東園詩存
夜寒衾枕傍魚龍鄉書寂寞天涯淚客鬢蕭騷鏡裡容
斷岸蒹葭風雨急一燈孤影聽疎鐘

吳門逢吳孝甫

握手天涯問釣磯別情歸思兩依依年華共老芙蓉劍
生事孤憐薜荔衣雁外清砧侵坐急霜邊殘葉傍愁飛
十年岐路懷君意一入青山會轉稀

送霍山社兄之金陵赴岨峽中丞之招二首

歲暮天涯別思深關河風雨共沾襟川魚雲鳥當年事
踣履蒼簪國士心浪跡還知堪白髮啣恩何必在黃金
飄零十載夷門住君自侯生一古今

萬里寒江抱石頭青溪吾亦戀并州梅花入夢春風句
桃葉傷心夜月舟山自千峯新王氣人猶六代舊風流
相逢倘值交知問突兀元來尚鹿裘

王如璧

字景完永嘉人錦衣衛指揮存詩一首

遊江心

中川由來兩山夾相傳有僧此說法雙峯中斷忽復聯
鼇負恒沙勢如壓一時聞見舉竦然爭輸金粟營諸天
陵谷幻遷幾千劫神呵鬼護淒寒烟宋蹕當年值艱否
航海文山此棲止摩文配卓表雙忠英烈江山並流峙
猗余廿載辭中川歸來風物良非前叢林宛轉與偉構

金波碧巘相新鮮上方寶宇渺萃律樓閣參天麗朝日
浮屠逼漢儼朱輪迴塘偃卧隣鮫室秋江水月蕩層陰
玻璃萬斛浮珠林天香梵語隔城郭蛟門一色空人心
象外權歌動寥廓鏡裏帆檣偏錯落蓬瀛彷彿路非遙
滿眼流光看不足

朱玉

字必聘永嘉人嘉靖丁卯舉人任
太平令有芸窓雜著存詩一首

老秀才行

姜氏隨筆永嘉朱必聘在謫時
上官以老秀才見誚因感而賦

老秀才何不歸去來澄江別業荒蕪哉孤峰削立青崔
嵬江流千尺波潑洄屋頭有路接元境玉質棋枰桂松
影春融紫芝盛苗葉黃唐有道存箕穎老秀才何不歸

去來回溪墮落風翻摧西山急影行相催何處澗池天
倒開雲間翔鶴留華表人中士龍空佼佼槐堂麟閣鎖
重陰長揚鵬鳥皆蒿草老秀才何不歸去來世局傀儡
真堪哀鸞鳳繇來燕雀猜不信才能作禍胎

張承明

永嘉人嘉靖間辟用授
大理寺評事存詩一首

梅雨潭

瀑水源來遠飛流夾兩峰光懸銀漢練影掛玉池龍帶
雨翻聲急因風灑潤濃到來無色界披賞豁塵胸

董

銓泰順人存
詩一首

山交寺和黃大尹

東甌詩存
卷三十三
桑田勞勸出郊遊時到山交且暫留獨樂不如同樂好
吾民此意亦知不

廖

先平陽人存
詩一首

贈王養素先生

先生高致世無倫懶把鶉衣換縉紳種菊剩分三徑雨
杖藜獨步九山春夢回池草生新句機息江鷗認故人
爲問金陵佳麗客到頭風味屬誰真

東甌詩存卷二十三終

東甌詩存卷二十四

永嘉會 唯近堂錄

明

洪孝先

字從周號霍山永嘉人著
有操舟集錄詩二十六首

擬古

燕京有高臺臺荒空碣留南市多高樓樓高思婦愁良
人不解事輕生好長遊黃金日不足揮霍裝刀頭行期
春暮歸倏忽違三秋錦帳照新月空挂珊瑚鈎嘗恐遠
入秦還家敝貂裘

明

東甌詩存

卷二十四

東園詩存
題張氏海山凝望樓

入山不在深。適意殊舉足。蹈海不必遠。于焉聊寓目。樓
高心事幽。况復凌清秋。明月欲出孤。鳥沒烟靄滿。林天
際浮。

登慈姥磯二首

團團磯上月。隱隱鏡中祠。江與三山小。帆將西岸移。絺
衣林鳥狎。蓬鬢野僧疑。振策孤峯外。諸天四望竒。
刻木何年事。山當此地靈。雲橫千嶂碧。樹隱亂帆青。鳥
語憐同調。漁歌慰獨醒。林風易昏黑。搔首歎沉冥。

登金山望京口

江上山仍峙。憑陵海鶴還。半空迴鷺嶺。翹首失龍關。天
地成吾老。烟霞好自閒。遙將渡京口。趺坐慰愁顏。

登江天閣

何處消塵劫。層樓勢欲飛。側身霑石乳。繞足礙雲衣。黿
極人天壯。鴻分吳越稀。翻憐捨舟者。幾度得安歸。

謁李太白祠

江流千古意。采石自年年。客慣邀明月。人誰弔謫仙。清
風虛帝里。俠氣眇林烟。斗酒元吾事。停杯益惘然。

送蒙慎吾還嶺南

爾汝交曾訂。傾心願不違。十年今復見。一日又言歸。嶺

雪先春度梅花並月輝轉憐浮海去臨別重牽衣

贈友人

懶性耽幽寂高標會有君飛觴邀水月裁賦託江雲
闔戶烟霞色垂天鴻雁羣共懽陶隱德珍重結蘭芬

渡江懷林氏諸昆玉

落日迴江舸涼風天際輕雙林寂雲隱孤巖激潮聲獨
奈烟霞癖長懷鷗鷺盟誤疑在華麓揮手月中行

同馮文所武選宿摩訶菴

未息風塵跡長懷定水心拂雲移石枕披月卧松林
鴿遶馴諳偈僧閒趣解琴不須歌永夜頓覺豁煩襟

同王三江集太衡慕恩亭用長吟韻二首

星彩標竒石藤花交異香山光寬賜第野趣儼裴莊日
靜鸞簧繞亭虛鶴夢長主人非蔣詡能得醉求羊

高柳俯亭陰琴尊愜素心山雲繞逸思泉石洽微吟瀟
灑張京兆悽清支道林兩情非傲世吾意在幽深

都門別張質齋岱輿斗樞諸昆玉

燕河越水路千程別酒難同十日傾終是客心頻北望
敢言吾道屬東行金莖紫氣回殘夢玉髓青心憶舊盟
自喜無文驚太史不妨深夜少微明

天津夜泊懷都門舊游

明

東坡詩存
夜深明月柁樓空天際懷人一鏡中拂劍星文看漸北
乘桴滄海欲從東情牽蓮社無全夢目斷京塵信轉蓬
裘馬故交雲縹緲綈袍誰念怯春風

張岨峽開府同余同麓司成馮益川憲副楊書臺

文學登燕子磯

簫鼓樓船出上流攀緣高躡翠巖幽江亭自抱三山勝
客騎仍騎六代遊夾岸帆檣迴夕浦中天日月見滄州
停杯欲向磯邊卧時聽濤聲過石頭

金陵與周雁川話舊

倦彈長鋏負年華共對琴尊惜聚沙千里鄉心貧有妹
十年生計客無家黃金浪說燕昭館白髮還滄赤水霞
盡道新詩君獨細轉憐椽筆畫生花

過燕子磯懷余同麓張岨峽二丈

建業千峯對曉霞輕舟如葉浪飛花龍關日繞孤亭勝
燕子雲生萬木斜遠水征鴻愁裏鏡亂山衰草夢中家
徘徊忽憶橋門月飄泊難同博望槎

海寧寺別曹子念兼柬海上諸友子念詩中有維

摩禮佛之句故末言及之

西來雙屐寄東林鐘鼓初聞飯後音掌上幾人舒慧眼
鏡中何地證幽心空歌白石逢時久入夢青山別思深

掉臂敢言呵佛去孤峯不厭遠相尋

奉謝侯二谷先生枉過草堂

紫芝歸卧席門初三顧真承長者車一諾未修慚季布
長才今見倦相如坐來卒歲春風滿想到方舟夜雪餘
不厭卮言皈白社京塵孤鈇咲無魚

奉贈龔春所憲副閱武海上

石畫西江舊著聲越山榛莽近知名天連畫戟如霜肅
人倚冰壺並日明星逐雁行仍列陣柳標魚麗故開營
風威已破諸夷膽肯信潢池解弄兵

奉壽王竹巖先生

朱帷白簡自森羅抗疏如君總未多九斗星精推大隱
百年真際悟恒河蒲東海若風雷振夔道塵氛雨露過
先生嘗鹽法河東巡撫雲貴眼底才人皆後進聲名誰不藉常何

奉贈二谷先生

薇省風猶著大名文光高並斗杓橫壁從趙地完歸重
劔自豐城鑄就明棋墅清輝孤月白帝鄉佳氣片雲輕
閒情謾賦南山菊到處甘棠舊樹聲

賦得東南紫氣壽林湖峯隱君

望氣中宵北斗懸真人遙入楚雲偏佩搖羣玉三江月
賦擁名圖五嶽篇函谷松聲迴鶴馭何山峯色削龍淵

猶憐赤字傳經地日月關門生紫烟

桃林有老子傳經閣在函關之東余

舊遊之地故未言及之

閒居

小閣臨池縱晚涼閒吟猶喜片雲翔
看殘秋水來明月補就荷衣下夕陽
闔戶有神仍獨覺隔山無語但聞香
就幽豈是前身幻瀛島依然入夢長

夏日周傲菴司成招同余同麓安研亭避暑靈谷

寺

曉過靈谷暢幽襟松檜摩空一逕深
王地百年還紫氣人天今日見青林
橋門晝敞諸生暇淨土時參釋子心

可是醜醜能避暑藤蘿雙樹重清陰

侯一麀

字舜昭一元弟著有龍門集存詩四首

賀家兄南塘樓居書懷

人意各有適自得貴不違潛虬本淵媚冥鴻入雲飛
自是愛芳草非關薄紫薇南塘山水清可以築釣磯
曠野一登樓青村四作圍出郊甘離索高齋保元虛
日夜起棹歌處處見樵漁野老多農語東鄰聞讀書
避地翻近人臨潭非羨魚當知陶晏意奚必屢市居

行路難

君不見車氏假字同嚙異良堪嗟又不見澄子衣紡緇

東園詩存
寧顧禪緇非勢利自昔等如斯何但今人心術移乃知
把握亦徒爾對面芙蓉荆棘裡寂寞休看出岫雲榮華
但付東流水

送項叔定自雁山遊西湖

誰是愚公能移山爲移雁蕩西湖上萬朵芙蓉倚鏡開
一片菱花宛相向龍湫五彩散湖雲天柱千尋撐錦帳
如斯竒麗山水兼最合詩人開遠况如何項生得我心
朝遊雁蕩歷珠林便向天台度江水倏忽已到西湖濱
衣襟猶帶赤城霞藻思還盈紫陌花心與滄波何澹蕩
賦含烟景自韶華六橋花擁遊人騎三殿洲間駐蹕艤
眼見古今已如此身都富貴亦徒爾何如酌酒且高歌
收拾江山囊橐底歸來草堂清且幽澄懷觀道得卧遊
翻嫌少文好圖畫西湖雁蕩只在曲澗頭

競渡曲

遠水浮雲不見天畫檣處處旋龍船誰家少婦輕回首
忘却臨流墮翠鈿

張

昭字叔麀號元海永嘉人隆慶戊辰歲貢官廣德州倅存詩六首

贈張白門

帝里稱名隱翛然水竹家嵐光團野榻鳥跡印江沙石
室千秋草春畦五色瓜鶉衣吾道在寂歷謝聲華

明

泊上新河

二月金陵道一秋白雁天
霜華侵客鬢風色淡江烟
牢落還家夢迢迢上瀨船
故園渺何許猿鶴暗相憐

渡彭蠡

石鐘山畔巨長湖雲抹匡廬半
有無萬里波光涵碧落
一江風色控蒼梧舟橫牛渚崑崙小
劔倚龍宮海岱孤
不信頽霞生掌上青天背負過蓬壺

贈洪霍山徵君

四海希聲識大音却從里耳得
追尋倦遊初返龍門轍
懷玉長懸老氏心悟入風幡應自寂
言忘桃李祇成陰

問竒我亦生平癖贏得元文掌上臨

春暮閒居二首

十年幸托水雲居挾得齊諧志
怪書咲落須彌飯芥子
何須小技角應徐

何處流雲几上飛挾來山色轉
霏微豈知賦草渾拋却
兀作鋤雲老布衣

李

宮

字子律永嘉人隆慶庚午舉人任無爲州牧存詩一首

送洪霍山遊武當

客有逃名者冥心禮太和梯雲迴楚岫
披月度湘波爽氣隨吞吐幽香戀薜蘿
榔梅如可折分植斗山阿

陳

挺

號筠川瑞安人存詩一首

過高錄事故址

寂寞前朝事傷心可奈何
石苔人跡少江草雨聲多

王良心

字性德永嘉人隆慶辛未進士授增城令擢兵科給事中存詩二首

遊孤巖

海上浮來第一邱
仙舟頻結白雲遊
蜃樓晴吐雙林曙
鮫室寒生孤巖秋
姑射登臨疑北固
謝公題咏徧東甌
眼中自有蓬瀛境
何用乘槎探十洲

遊仙巖

翠微環繞帶青霞
路入仙源境自佳
曲澗傳盃通法水
叢林卓錫散天花
鐘聲度壑風生樹
塔影凌空月印沙
無限幽懷何所寄
卜棲擬傍遠公家

黃一莊

字文強永嘉人隆慶辛未歲貢任武義訓導存詩三首

春暮同社載酒山亭

共有山林癖因之載酒過
春光餘日少花氣襲人多
嘉會誠難得為歡能幾何
願言堅夙約遇景莫蹉跎

書懷

帝京旅食已經年
孑立無依思渺然
客裡鄉關頻入夢
眼中雲樹欲迷天
違時知己俱寥落
多病傷心只自憐
每向燕臺高處望
碧霄秋月為誰圓

客懷

滿天風雨作新秋，卧起無聊獨倚樓。遥望太行天欲暮，白雲深處不勝愁。

蔡汝修

字宇德，瑞安諸生，著有函虛齋近稿，存詩二十一首。

子夜吳歌八解

郎上江上船，妾登江上樓。目迷孤帆遠，心逐江水流。解一

郎心為妾少，妾心為郎多。憶郎有萬語，見郎半句無。解二

郎去渾不覺，妾眉長自顰。誰知魂夢裡，猶得話慇懃。解三

相思為郎苦，妾心無奈何。清曉開鸞鏡，容顏不似初。解四

小鶯啼不歇，妾起開窓紗。東風太作惡，吹折檻前花。解五

落花不上樹，逝水無回川。年少郎不惜，白首空自憐。解六

早蠶自作繭，懸簇巧相並。妾心好似蠶，到死絲方盡。解七

永夜守孤幃，疎櫺月初到。願郎心似月，千里長相照。解八

送揮使張環弼弟歸温州

相逢未幾又說別，底忍分懷情更切。燈花照影不成眠，

又是寒冬十一月。明朝江上促行舟，六橋楊柳牽離愁。

客懷流水兩悠悠，相望相思月半樓。

九日同龍谿王丈登虎丘山次韻

楓林雨過日欲曛，乘興登高我共君。攜壺展席虎丘頂，

宴坐滿身飛白雲。鼓吹飄飄度幽谷，山光照影瓊杯綠。

東坡詩存
老去風流似孟嘉。破帽西風吹不落。天涯勝會本不期。把酒勸君君莫辭。明歲登高在何處。笑插茱萸知對誰。

送秦慎齋契丈膺薦北上次拱瑞驪歌

送君拱瑞山之阿。分杯聽我歌驪歌。昔羨才華邁英俊。至今膺薦遊燕都。天子臨軒親策問。奎光炯炯昭文運。自是龍頭屬老成。平生抱負知張信。驪歌驪歌一暫停。玉瓶泛酒還復傾。酒罷移舟看君發。一片湖光萬里情。

採蓮曲

越溪女兒垂風鬟。日日採蓮溪水間。嬌喉宛轉斷腸曲。鴛鴦驚起荷葉翻。蘭橈敲泛過溪北。倦倚扁舟常惻惻。

前年阿郎玉關去。萬里驅馳歸未得。採蓮採蓮終日忙。

縱有清香難寄郎。不如採桑作絲繭。秋來添做郎衣裳。

述作竈丁行

有序

余客遊柯城。見一野老行乞於市。自稱永嘉鹽場竈丁也。歷叙竈家艱苦情狀。且記習竈家所作歌謠首尾遺忘。斷章不續。且誦且泣。余甚憫之。卽采其言。足成竈丁行一篇。名曰述作。

客途偶遇一野老。蓬頭赤脚形枯槁。云是鹽場舊竈丁。却說衷情苦不了。軍民竈匠分四籍。其中勞逸殊苦樂。三家應役有暇時。竈家辛苦無休息。生來總角方妙齡。

一一開報爲成丁日辦三勛夜四兩鹽課歲額爲常征
海涯茫茫斥鹵地終身潦倒爲生計郎罷旣沒子承當
阿干云亡弟應替海霧濛濛春日遲安排土具牽鹹泥
鹹泥牽罷運紫滷五更出去三更歸但見海鷗伴朝夕
那知桃李春光輝初課未完追夏來工脚撲捉廊頭催
青茅竹片日捶擊蛆生兩髀誠堪哀謀求保候出囹圄
朝朝又遇黃梅雨天時不順人事垂借取商錢納官府
晴來焉敢愁日長糠粃麥飯充饑腸脚底焦疼赤土熱
灰燼汁滴瓊瑤漿赤日低下竈窩小煎燒不暇歸去早
但見暑氣蒸毛骨松陰極目蓬萊島中限未完秋又到

秋霖那得泥常燥煎燒無計徒受刑再措商錢納完票
待看雨歇天氣晶泥壇漸掃鹽花生終朝爬羅竭筋力
念念只欲完課程但見蘆汀度新雁空憶黃花泛蟻觥
末限催嚴冬又雪况是賠逃又賠絕手足僵顫饑腸鳴
抖搜鶉衣百千結來朝雪霽趁天晴寒威劈面肌欲裂
但聞朔風連夜鳴柴門愁掩梅花月三限纔當完課辦
萬苦千辛幾嗟嘆春往夏來秋復冬一任年華暗中換
嗟嘆不獨自辛苦苦及糟糠屢屢婦薰膏不識蘭麝香
粧臺不識鏡鸞舞夫出晝作夜歸息男兒啼饑女啼黑
拭淚吩咐兒休啼明朝賣鹽須飽食籬竹作燈手自燃

調停夫伴兒早眠燃燈添竹倒插壁紡車移近眠床前
紡車聲罷雞聲號狗吠信信人叫囂忙窺壁隙低聲問
商人索鹽門外敲婉辭謝遣方纔去倦向床杠一寢卧
鼾齁勝在芙蓉茵夢魂不到陽臺路黎明急起供晨炊
又愁壇遠夫嫌遲操持井臼且無厭出入身上無完衣
身無完衣何足數作女誰不爲人婦可憐爲婦歸竈家
固知薄命如泥土鹽壇國法定制在上界官塘下連海
魚鱗相次編作團弓分尺限敢更改蕩壇蓄草爲燒煎
祖宗相傳三百年近來國法誰顧畏開墾據作豪家田
日朶月削曷聲訴辦鹽歲額常如故舊措錢債未曾還

又併初以新鹽課貧難躲避懼鞭扑因見貧難愈逼促
欠借無方典賣妻兒及房屋盡數完官無卓錫
他鄉委溝壑野老慟哭言方輟俾我暫聞亦悲切
憶昔永樂彭侍郎憫竈繪圖叩天闕又聞嘉靖鄆中丞
奏郵竈例頒兩浙野老野老勿淚零與爾述作竈丁行
卽今豸臺同仁一視任嗒政驄馬正到東甌城
利市仙圖爲中白王丈題

遙指錢星墮西極短髮蓬鬆雙脚赤腰纏萬貫咲嫣然
神仙無錢做不得起弄金蟾月窟邊身披素練衣蹁躑
採取元關無價寶人世傳呼利市仙

登西峴

曳杖登西峴，渾忘世俗諠。
濕衣松翠落，度曲鳥聲繁。
白首名何累，青山道自尊。
一觴聊獨酌，宴坐欲無言。

旅夜

夜深騷首思依依，何處砧聲月下微。
入蜀杜陵須有託，登樓王粲未能歸。
寥寥砌底蛩相弔，嚶嚶天邊雁獨飛。
悵望親幃千里遠，錦衣安得似斑衣。

過曹娥渡

古渡舟橫日欲晡，行人指點說曹娥。
斷碑八字成陳迹，大孝千年自不磨。
隱隱江聲如灑泣，飄飄霞彩若凌波。
鳩山徒切悲精衛，偶過荒祠感慨多。

遊尖山寺

半日尋幽憩梵林，喜逢老衲共披襟。
六塵空處身非我，三昧超時佛卽心。
鶴唳尖峯清露冷，龍歸慧窟白雲深。
誰知金粟千年後，猶向禪關抱膝吟。

書齋對月柬九岳王丈

講罷義經發浩歌，沉沉更漏滴銅壺。
推窓獨自看明月，眼底浮雲半點無。

睡牧圖爲中白王丈題

木葉隨風吹作屯，石溪水涸見苔痕。
牧童睡着無人喚。

牛背斜陽過晚村

江樓望友

月照羅浮江水流
思君極目望歸舟
誰家短笛吹殘夜
落盡梅花尚倚樓

李

顏泰順人存
詩一首

杏石菴

鳥道縈迂疊翠巒
尋幽步入白雲端
菴前有石人居少
眼底無塵天宇寬
瀑濺懸巖晴亦雨
春回深谷暖猶寒
高僧老去遺風在
莫作他山一樣看

虞

書字師中瑞安人隆慶歲貢任淮安經歷著有紫山吟稿存詩八首

賜宴紫薇堂醉歸

集杜

大府才能會

留別幕府親友

乘時各有人

謁先主廟

蛟龍得雲雨

贈巖

八閣老

鷹隼出風塵

簡高使君

北關心長戀

九日

南陽氣已新

選元

朱號南陽

狂歌遇形勝

陪王侍御宴

感激異天真

促織

乙亥初夏淮安舟中對燭自嘆

寂寞坐遙夜

皇甫冉

寒燈獨可親

戴叔倫

避時曾變姓

姚合失

計自憐貧

張籍

青鏡悲雙鬢

盧綸

虛舟寄一身

法振

為儒更何

用瞻

尹

嗚咽淚沾巾

杜甫

閨情

芳草萋萋春復春

謝應芳

每回回首即長顰

李羣玉

玉纖彈

明

東坡詩子

卷二十四

七

盡東風淚楊廉夫閒看人間得意人羅隱

梅花四首

惆悵江南幾樹梅朱仲晦繁如瑞雪壓枝開羅一罇玉液

花前酌仇仁數片異香天上來袁山甫冷淡自能驅俗客

潘子橫斜還許落金杯晁无何人乘月吹長笛曾符半逐

東風委綠苔雪巖

斜得南枝有早梅韓偓冷香幽艷為誰開曾鞏從教臘雪埋

藏盡趙迎得春陽次第來黃山谷好事只今歸北圃蔡珪對

是那得欠清杯陳去非夜深醉倚朱欄外劉兼老幹橫枝半

是苔藍山

小園晴日見寒梅吳融一半先開笑未開方數點有情吹

面過楊誠齋百花渾未識春來晁无幾勞終日馳魂夢王

朋強起題詩對酒杯袁彦章寄語春風好擡舉元稹莫教香

雪澹蒼苔馬子正

雪後園林處士梅丁鶴年今朝忽見數枝開薛維翰相思誰

向風前寄舒信清節都歸筆底來艾性夫不向碧臺迷醉

夢羅莫教明月照空杯董佐尋花不問春深淺朱餘行

盡荒林一徑苔張澤民

寄挽王麗川春元

八月悲風九月霜鄭谷不堪屈指算興亡辛敬琴埋劒化

明

渾疑夢錢起古是今非笑一場元好問天上有才登俊傑辛敬

之人間無地看軒昂張伯遠湖山宰木增新隴范成大回首

西風一斷腸羅隱鹿城送蔡鳳池之金陵集唐

別路青青柳發周賀津頭日日人行皇甫冉潮至中川回去

張繼烟外千里含情韓翃

讀椒山楊員外封事

天植忠貞金石堅上方請劔斬奸先孤臣肝膽能千古

當代文章此一篇自有鬼神加守護不同碑碣冷荒烟

夜窓讀罷焚香拜浩氣冲冲日月懸

周文彬永嘉人存詩一首

適適歌

適適歌

適適歌任婆婆玉韞匱中價未至按劔錯愕人爭訶君

不見孺子宰肉混塵垢長卿賣酒遭坎坷丈夫未遇皆貧

賤眼前朱紫何足多適適歌任婆婆巢父空洗耳屠耿

枉殺河黃芽紫車悉幻妄龍樓鳳閣徒巍峩吾有寶劔

長七尺寒光閃爍不須磨陸剗兕虎水鮫鼉持此利器

貢天子能使青天白日無妖魔

王繼明字用晦號省菴永嘉人萬歷甲戌進士歷官按察司副使存詩二首

贈徐劔石之任王府官

東園詩存
無可留君住須傾酒一杯江山增感慨風月重徘徊岸
柳隨帆掃巖花向席開藩王多好士應羨曳裾來

蜀中寄所親

杜鵑啼處是東川北斗遙看思惘然盛世無才慚竊祿
衰顏何計覓真銓少年幾醉星霜下此夜還疑筆硯前
莫謾題詩懷舊侶春來歸思已翩翩

林懋功

字君凱永嘉人著有
壺山詩稿存詩四首

君不見

君不見蒼梧古樹花白雲出入亂啼鴉又不見洞庭湘
江水日夜東流流不止流水送花花弗知花飛水逝代

如斯

春閨

堤畔垂楊暗結愁東風吹綠上粧樓玉顏坐惜春光暮
欲畫雙蛾淚已流

秋夜同友人飲彬娥樓中

仙郎結伴訪天台月色花香共舉杯不信青娥憐白髮
夜深笑縮綠雲來

書懷

夕日襟懷苦未酬風塵敝盡黑貂裘祇餘秋水芙蓉劍
夜夜精光逼斗牛

明

張汝紀

字仲理號太衡孚敬
孫存詩二十四首

遊碧雲寺

一入招提境三生有夙緣
碧雲封古剎寶樹鎖諸天
泉影床頭落山容几上懸
未能超最乘且此學逃禪

瑤溪來鷗亭

來鷗亭上坐懷古轉淒然
綠水還今日青山是昔年
聖朝多雨露草莽尚風烟
自愧韋平業何人問象賢

宿巴東館

暫憇巴東館驅馳春暮天
人家蒼嶺半麥隴白雲連
夜靜江聲急山迴月色懸
停盃問郵吏明日是西川

泛湖遲鄭可貞不至

幽意愜芳汀蘭舟破綠萍
湖光千頃碧山色萬重青
醴酒殷勤設漁歌欸乃聽
有懷人不見春樹暮雲停

送顏潛齋南歸

把袂難言別相看思黯然
鄉山魂夢裡岐路酒盃前
月滿黃昏節霜高白雁天
蕭曹君輩是勳業古今傳

霍山山人早年負笈從先大人遊余昔在京邸叙

通家歡甚今歸隱雁池深悟妙理漫賦贈之

早背趨庭訓傳詩賴有君
燕臺仍結社雁蕩共論文
溫粹人如玉風流思若雲
更憐耽妙悟嘉遯謝塵氛

東國詩存
沈小霞召入比部却寄

三年作宦隔天涯，忽報雙鳧入鳳池。
楊柳碧連青瑣闥，梅花香染白雲司。
東園媿擬張衡賦，南國爭傳沈約詩。
萬里星河明月夜，一封隨雁寄相思。

寄懷邱山人

片帆遙掛白門秋，一夜風生渡海州。
莫逆故人勞夢寐，支離孤客嘆遨遊。
秦淮月上潮初至，越嶺梅開歲欲流。
極目鄉關何處是，茫茫雲樹使人愁。

秋思

孤角聲悲雜暮砧，乍聞游子正沾襟。
滄洲深動蓴鱸思，上國虛懸鴛鴦心。
三市風塵迷白壁，五陵豪俠盡黃金。
年來汗漫成何計，贏得秋高華鬢侵。

贈曹子念兼柬王鳳洲中丞

長安傾蓋得論文，歲晏山城復見君。
秋色盡歸青玉案，仙踪都與白鷗羣。
一尊醉憶燕臺月，千里竒探雁宕雲。
漫向義康道幽僻，負薪十載尚無聞。

泊石頭城

扁舟夜泊石頭城，一片鄉心對月明。
短榻正懸游子夢，疎鐘忽度隔江聲。
丹陽古渡連雲暗，瓜步春潮帶雨生。
自笑爲郎依漢闕，十年始得問歸程。

秋日黃魁宇參戎招陪劉際明使君遊仙巖

一入靈區遠世氛
諸天裊裊散爐熏
峯頭積翠千尋落
樹杪飛泉百道分
夾岸芙蓉酣夕照
曲池杯斝泛春雲
使君元是神仙侶
兩袖長攜玉笈文

渡彭城

片帆遙掛海天秋
風雨蕭蕭暗驛樓
歲月易消王霸業
雲山長繫古今愁
高秋霜樹飛紅葉
曲岸寒沙起白鷗
轉劇鄉心誰可語
滔滔唯對水東流

雨夜舟中感懷

蕭蕭夜雨滴孤篷
無限秋聲落枕中
作客消殘雙短鬢
懷人愁斷五更風
蠶叢蜀道秦關隔
蠖曲巫流漢水通
世事浮沉應有數
一官焉敢嘆途窮

葉仰山侍御僉憲江西詩以送之

剖符持憲出瑤京
疏草還留柱下名
范叔奉書應攬轡
韓公爲政罷談兵
鄱湖水滿通甌海
廬嶽雲高接鳳城
君去正當桃李候
春風早已播芳聲

湖上玩月次韻答見吾

當杯莫惜鬢毛皤
十日林塘載酒過
明月山中薇蕨長
秋風江上芰荷多
夢回池畔生芳草
歌到滄浪漾碧波
自笑生平棲隱處
衡門贏得掩青蘿

洪霍山入金門過白下而返未及走問書此致之
二月江城花正開聞君忽自秣陵回寧從白社尋鷗侶
肯爲黃金向燕臺潦倒漫成嵇叔懶風流真見子雲才
好將碣石談天口且醉山中杜若杯

送馮博士之閩武庠

四明文藻擅名家次第春風到永嘉帳下談經餘苜蓿
齋中對雪半蒹葭愁連雁沼三更月夢到芹溪九曲槎
自幸橋門叨化育那堪尊酒話天涯

送大兄北上

紅葉西風別思多臨岐揮淚聽驪歌星河影傍龍泉動
鴻雁聲從蜃海過兩岸秋山千里月一帆寒雨萬重波
春來謾憶池塘句柳色都門遲玉珂

橋上聽吹簫

碧簫吹徹暮雲收萬里星河影倒流不是廣陵明月夜
恍疑身伴玉人遊

秋夜曲

幽窓斜月照機紋無奈蛩聲四壁聞愁向飛鴻問消息
寒衣未寄又從軍

廣陵舟中獨坐遲林玉甫

維揚古渡水平堤獨坐南薰客思迷忽聽簫聲何處度

東甌詩存
玉人只隔洞橋西

聞笛寄友人

何人吹笛彩雲端聽徹淒涼獨倚闌落盡梅花無驛使
却教春色暗中殘

歸舟夜雨憶舍弟

江上扁舟入暮寒一帆秋色雨中看篷窗獨倚渾無語
正憶遊人行路難

東甌詩存卷二十四終

東甌詩存卷二十五

永嘉會 唯近堂錄

明

張鳴鳳

永嘉人存
詩五首

銅雀臺

借問漳河水淒涼銅雀臺羅衣無復返松柏有餘哀陵
上月還照帷中夢暗來春深無限地惟有野花開

送太衡弟北上

把臂拂青萍含愁對紫荆月浮鳩鵲觀花繞鳳凰城况

明

東園詩存
是連枝會翻爲萬里行。懸知池草夢，遙憶不勝情。

石梁山庄別二山少岡諸友

石梁回首悵離羣。白雁秋聲不可聞。千里故人同入社，
中宵明月共論文。緣知後約從今定，漫惜前途向此分。
一出名山頻極目，重重江樹隔寒雲。

秋夜太衡弟攜尊湖心同諸友玩月

歸來雙鬢未全皤。清夜園林載酒過。桂魄高懸青嶂靜，
荷衣涼染白雲多。尊前野樹團疎影，湖上秋風起素波。
瀟灑如君真大隱，賞心長得醉烟蘿。

烟江晚泊

片帆歸去湖山碧。烟水微茫白鷺飛。更有逼人清絕處，
半江樹色帶斜暉。

鄭貞元 永嘉人存詩一首

白雲庵次韻

芒鞋踏徧白雲阿。滿壑松濤疊翠波。一自老禪譚偈後，
半簾明月照人多。

朱邦采 字民貞號樂山永嘉諸生入太學徵就鴻臚寺丞存詩三首

待吾亭

右軍洗硯池。謝公登山屐。風流幾百年。江山不虛擲。

橋東酒家

東園詩存
問酒江橋柳影斜。勾欄高檻玉人家。十分賣弄春光好，不插青旗插杏花。

書所見

樓頭羅幙捲春烟。細柳纖眉巧弄妍。半日異香吹不斷，倚欄人在落花天。

邵

倬字必明永嘉人萬歷丙子舉人任金鄉教諭以子建策贈工部主事存詩四首

遊靈巖

覽勝此躋攀。嵐光照客顏。平林分杳靄，深谷弄潺湲。樹色留殘雪，鐘聲度晚山。何當支片石，長嘯出松間。

羅漢洞

古洞幽深隔世氛。何年遊客得知聞。行經流水疑無路，轉到高岡漸有雲。巖溜滴空晴灑雨，日光窺罅壁生紋。坐來縹緲聞清磬，一闕仙韶石上分。

出雁山

磴道縈迴七七盤。雁山回首失林巒。賞心常住龍湫下，逸興猶棲天柱端。筋竹峻嶒雲裡度，能仁岑寂雨中看。獨憐此去烟霞隔，夢寐名區入望難。

遊江心

何處堪爲汗漫遊。興來攜客此登舟。浮雲忽幻羣山色，祇樹寒翻萬壑秋。虹飲長河潤暑雨，雷盤高閣撼江流。

明

憑闌不盡登臨意搔首蒼茫問十洲

周宗旦

號岐山永嘉人
存詩十一首

送洪山人之武當二首

水駕通元閣山衣破紫氛君今身近日我亦足生雲野
色松陰合烟光鶴影分石臺坐雙鳳瀟灑洞仙羣
送子武當遊牽余五嶽愁風烏挂明月霜露報清秋日
縱楚天盡心懸漢水流袖歸奇絕景分贈與同裘

送別

立盡東風草色青鷓啼日落暮愁生江流不斷春雲合
一樹垂楊萬里情

寄贈方隱君四首

隱君家在九華山夜夜春風吹珮環雙袖白雲留不住
化爲龍炁滿天關

日日騎雲向武夷芙蓉千尺插天池池邊白鹿春無數
叱向高巖耕紫芝

山中高卧六十霜青雲爲佩霞爲裳南溟六月赤虹起
羣仙跨之來翱翔

九鯉湖邊黃石家安期之棗大於瓜割來釀作崑崙酒
醉殺桃源萬樹花

席上留別高伯宗二首

明

東園詩存
萬里江花拂石橋孤槎去弄廣陵潮雲中倘遇崑崙子
寄爾秦時碧玉簫

大江南去片帆輕江上浮雲日夜征回首帝都春色遠
萬家楊柳爲誰生

華陽道中別友

共持瑤草下天關萬里秋風吹別顏馬上白雲晴不散
知君客路向青山

贈陳海樵

海樵仙人雙紫髯道上相逢開玉函贈我芙蓉千萬片
至今秋色滿江南

周文美

字才甫號雁川永
嘉人存詩二首

贈張太衡使君齋中賞牡丹

仙館名花媚曉寒欣逢佳賞集衣冠
粧巧妬三千黛國色香凝十二闌
嬌逐笙歌雪裡度輝含錦繡洛中看
夜來祇恐花神倦故列春燈對客歡

寄懷洪從周社丈

十年燕邸故交違萬里懷人思欲飛
浪迹自堪遺聖世深情誰復念淄衣
地偏花鳥驚時改郊迥風烟逐望非
爲問客星池上路此心終肯負漁磯

任秀卿

永嘉人萬歷己卯舉人
官蒙城令存詩一首

明

東園詩存

卷二十五

五

贈聶明府

熒熒鶉火薄西躔平邑綏懷荷令賢夜靜無金投曲檻
時艱有力挽長川雨隨雲葉飄山外風送泉聲到几前
自是豐年與茂績口碑常使路人傳

胡

渙

字節卿瑞安人萬歷歲貢任太平倅存詩一首

陪劉公允同遊仙巖

解篆歸來二十年名山日日卧中遊已無塵夢牽朱紱
最喜金樽對碧流天上聚星期御李人間紆組快依劉
他年若著荷衣去再訪羊裘松徑頭

張德明

字子經號毅宇樂清人萬歷丙戌進士官至湖廣叅政存詩二首

遊雁山

朝遊雁峯頂暮憩龍湫陽冥搜謝公跡苔封屐齒香剝
蘚讀古碣席草飛羽觴窮盼象緯逼頻睇江天長元雲
翳峭壁金鵝苗高岡摘取不敢食鷓鴣猶趨蹌逶迤下
林樾思居恐太康何如含香使車馬日彭彭相期體憂
樂眷念山民傷

悼忠

繫維革除際天意何分明一以昌帝圖為世開太平一
以立臣極為道扶忠貞偉哉卓夫子仗節首捐生砥柱
屹然立坐障滄溟傾綱常既標表日月迴光精乃知有
明

東園詩存
自來於事良有徵當其童卅日純孝根天經深夜馭虎
歸呵護煩山靈在生爲烈士在天爲列星餘勁鼓噫氣
猶足鞭雷霆明也產公里睠言跂芳聲采采西山薇糅
以沅湘蘅再拜寶香麓佇立獨屏營天風灑毛髮恍見
來霓旌

趙

含

號澗邊永嘉
人存詩十首

題畫

羣山過雨青欲飛蓼花紅重秋江肥漁家茅屋小如斗
白沙翠竹連柴扉扁舟釣罷橫江曲霜楓吹葉船頭落
瓦甌村酒蓬底香一笛清吹裂山竹

輓葉梅莊

梅莊老子種梅處人去莊空梅幾花自昔門墻無俗物
至今香影屬詩家我曾策蹇寒敲雪君爲摧枯夜煮茶
從此悲風掩柴戶凍苔生徧石床斜

卽事

秋光隨雁落長江一味新涼薦玉缸水上石楠花幾點
夜來風雨打西窓

蘭

楚騷歌罷水天秋露濕幽香夜不收一曲朱絃人不見
月明江上水悠悠

明

東風詩在
題白扇五首

十二瓊樓生白烟珠簾半捲桂花天美人弄玉在樓上
雪色霓裳金鈿蟬

白雲飛去湘江曲一片秋陰帶晚涼不用更誇清暑殿
君家自有玉簫管

東海鮫人夜織綃風吹冰縵白飄飄交刀剪斷秋雲薄
西嶺千秋雪未消

雲母屏風碧玉堂美人雪腕紫金璫洞簫吹出參差曲
飛下瑤臺白鳳凰

廣寒宮裏西風早三百霓裳怯夜寒舞罷鈞天眠未得

白榆樹下玉欄杆

闕題

桃花源上坐春苔杜若洲邊人未回欲寄幽心與流水
暮雲重疊隔天台

王明揚

瑞安諸生
存詩一首

謁墓

穀日瞻梅隴芒鞋渡石橋草根疑地滑櫻子度霜饒巖
畔驚漁網蹊頭悵採樵到來思惻惻和淚薦盤椒

陳紹賢

字丙賢永嘉人萬歷歲貢授益
府教授著有傳芳集存詩二首

游江心寺

明

驅石何年到古甌直從濤浪砥中流珠宮似負鼇魚背
寶塔疑浮海蜃樓兩岸山光青渡水一江帆影白連洲
攜朋載酒頻來此倚醉春風汗漫遊

贈陳學博陞任巴東

甌江冬暮最關情落木千山此送行一命原爲秦博士
五經重授楚諸生雲開古壘龍山近天遠孤舟夢澤平
別後思君何處是猗猗蘭芷滿江濱

趙

白

字文夫號玉齋樂清人存詩一首

題便面山水

黃鶴樓前鸚鵡洲斜陽遠水釣魚舟落霞淺淡連孤鶩

釀出瀟湘一片秋

吳朝鈍

樂清人存詩一首

靜山

道人蹤跡知何處靜裏看山渺雲樹寂寂柴門掩落花
陰陰蘿徑留飛絮閒中好鳥數聲幽從教門外輪蹄去

蔡子鳳

字允陽瑞安人著有松月山房遺稿存詩三首

有所思

秀峴山下君之家昔年同君春看花今年我病將二載
可憐咫尺如天涯小窓長夜對明月明月如人圓復缺
相思相見定何時淚滴青衫寒食節起弄瑤琴傷我神

明

孤鸞一曲悵離羣罷琴據枕且復卧夢裏倘應還見君
湖上

霏微空翠濕輕裘片片蘆花逐水流却有多情如范蠡
五湖風月一孤舟

移竹

美人相贈碧琅玕蒼雪紛紛六月寒落盡杏花春不見
山窓細把此君看

何堅

字子固永嘉人魯府審理存詩五首

西山護國寺

暫謝塵氛地來尋鹿豕羣山行迷翠靄望足黃雲古

寺林中見天香坐裏聞長吟忘去住樵牧下斜曛

登太武山絕頂

層巒萬仞翳清芬獨上峯頭躡紫雲眺望宛然天路近
笑談疑在半空聞鼉緣薜荔巖花落鳥沒平蕪埜渡分
餘興不妨拚信宿隔林疎影映斜曛

偶成

盈盈鳳吹隔明霞咲指中山是我家明月夜深吹鐵笛
一聲聲滿碧桃花

浮宮渡

浮宮渡頭潮正平江風初起浪花生蘼蕪兩岸隨風舞

明

亦似垂楊管送迎

送馬少蘿還武陵

君採瑶草入天台天姥峯頭坐碧苔清嘯一聲霞洞曉
桃花開滿亂雲堆

王

顯字綱夫樂清人存詩三首

雜詩二首

夙志嗜清曠冥心守歲寒東風桃李開始覺青春還美
人一爲別逃矣冰雪顏悵望悲遠道佳期阻幽攀我有
三尺桐貯之綺囊間臨風理故絃三嘆難再彈

危樓坐清夜澄景散冲襟皓月正當戶照我孤桐琴一
彈萬慮滌再撫有餘音天風發清籟鸞鳥相和吟鍾期
慨已遠山水何高深俯仰對明月冥焉渺予心

仙洲歌贈翁訥菴

我思蓬瀛渺何處弱水迢迢隔烟霧桃花流出武陵春
仙境分明在人世洲中老翁人中仙洲居占斷壺中天
綠波溶溶碧沙暖汀花草皆春妍老仙倚欄橫鐵笛
一聲吹落魚龍魄塵凡路絕無消息一鶴翛然伴吟室
我亦十洲仙者流何當借取太乙蓮花舟風帆浪楫共
君洲上游笑弄一天明月秋

孫一秋

永嘉人存詩四首

明

東坡詩存

卷二十五

七

九日次杜牧之韻

秋老江空一雁飛，遠峯點點望中微。
菊花籬落俄爭咲，狂客天涯正憶歸。
是處壺觴皆令節，誰家砧杵入斜暉。
十年漂泊應憐此，漫倚高臺獨振衣。

宮詞

漫捲珠簾三月烟，翠眉感斷曉妝前。
君王未解春將去，惱殺楊花壓鬢偏。

仙姑畫二首

肩負蒼藤度海干，鶴帔草笠白雲寒。
藥囊誰解蛾眉意，贏得仙花獨自看。

夢斷春風淡素眉，採芝何處荷鋤歸。
珠衫分得蓬萊樣，拂袖丹霞滿地飛。

章宗孔

號來源元梅
子存詩二首

春日游賜湖

蕩槩賜湖風日晴，停橈谷口問花行。
鏡中金地三千界，壺裏銀樓十二城。
濠濮觀魚誰共適，小山結桂念叢生。
忘機最是庭前鶴，對舞蹁躑總繫情。

裊頭菴阻雨

路入東嘉山更幽，鐘聲忽度嶺西頭。
巖阿一曲藏靈界，石磴千重架玉樓。
微雨旋添雙袖濕，片雲空結兩鄉愁。

明

年來蹤跡渾無定暫借禪房一宿留

王繼莊

字用敬號致虛永嘉諸生存詩五首

贈關別駕四首

都仙昔冲舉遺識在龍沙日唯千載遙丹臺貫金花元
風暢五陵八百隨飛霞其師匪異人豫章以爲家夫子
起新建紫氣成龍蛇竭來振瘡痍流惠於永嘉
永嘉古仙窟太玉浮菁蕊華蓋攬吹臺瞥見雙飛龍使
君守清淨皎日行秋空戴盆無遺照探丸無遺踪車門
冷如水袖刺疇能通何謂老王生渤海翻見容
王生自無竒渤海豈云漫徒以長者心猶夷見親串朝

花自爲美旂常等虛幻不見旌陽尹逃名附蒿鷄八寶
著元文日星耿同爛冥契不可攀非公孰興歎
興歎亦奚爲百年同役役良無百歲身流光恨空擲好
逕民自訛大道本寥寂道德五千言元元吐真臆火宅
青蓮華元功日殷積功成拂衣早千載存一息

贈昭信姪

依依看遠適惻惻愧深衷我老相知晚君真長者風忘
年肝膽見雅志木同把釣秋風裡相期桂子叢

吳彥匡

字子範永嘉人萬曆辛卯舉人任龍南令存詩五首

太和鄭先生輯南雁志成以書見寄賦此奉酬

東甌山水稱雄奇二雁競爽天下稀比如崑閩臨弱水
南如蓬島列南陲老來自恨登臨倦一室如蝸無餘羨
杖履曾經北雁過南雁無由酬夙願鄭君之才人中仙
翩翩彩筆長如椽已從秘笈搜奇蹟復將斷簡綴瑤編
寥落無人問茅屋扣門者誰聲剝啄忽聞青鳥傳書來
展誦烟霞盈尺幅羨君兩袖披天風手持綠玉躡飛鴻
明月峯前尋往跡白雲洞裏覓仙踪君從南雁遊我向
北窓宿君心藏我心我目寄君目憶昔少文稱卧遊我
神往形容留孤筇何用窮寥廓夢魂長繞萬峯頭

送周際翁分藩江右

西風獵獵拂干旌送爾千程攬轡行英蕩彤庭分錫寵
薇花畫省舊敷榮鄱湖鴻侶依雲集廬嶽狼烟共月清
移孝作忠公輔事御屏早已紀芳名

元妙觀

松龕依北極蘿磴接層巒月滿瑤階靜雲深翠殿寒仙
香飄帝座清磬度林端此地堪遺世乘風借羽翰

飲王挺然齋中感舊之作

帝城烟月憶同游日夕清談散旅愁有酒便尋桃葉妓
無錢將典鷓鴣霜裴阮公逝後誰青眼陶令歸來已白頭
佳會良宵真不易一尊爲爾更遲留

明

東甌詩存

卷二十五

七

東山

何必三山問有無塵踪稍隔卽仙都近來傳得還丹法
一束圖書酒一壺

項以勳

永嘉人存
詩一首

春懷

徘徊惆悵舊游踪暮雨朝雲一夢中檻外空餘雙燕子
春殘猶自傍簾櫳

聞得仁

字中元號南江永嘉人例
貢官鴻臚序班存詩七首

雜詩

江洲隔秋水皎皎月明素中有美人居鬱鬱多琪樹我
欲從之游水深不可渡脉脉空自思悠悠歲將暮何如
腐草螢含光向風度

游俠篇

昔爲蕩子游千金只一擲交結扶風豪射騎長安陌破
酒過都門唾罵二千石倘遇相知人許身寧復惜

南山吟

南山鬱幽幽泉水流混混採蕨稚初長紉蘭香自遠空
與淡忘歸不覺邨莊晚牛羊時下來斜陽在山阪

送侯舜昭北上

壯志辭鄉國言陳寶劔篇邀歡惟此日作別定經年海

東園詩存
色斜陽外秋光落雁前關河寒易凍莫滯武林船

山中寫懷

豈爲逃名愛素居五峯山下憩巾車懷人魏闕時瞻斗
抱病文園懶著書霞洞薜蘿春去久石床風雨夢回初
相過只解班荆坐不學農談竟夕餘

題楊掌教北湖菴

鄱陽春至水如苔楊子談元草閣開一望湖光三百里
薰風五月自南來

避暑聽周履敬彈琴

一曲度雲端天外微風下碧巒白雪滿空看不日

只餘江上草堂寒

張

昂永嘉人存
詩十四首

適園漫興十四首存九

東郭久無廬西園且僦居人依一畝宅業在半床書花
木雜相映房櫳清有餘不知蝸角裏蠻觸定何如

重門何窈窕一室最蕭閒堦面疏清沼墻頭出遠山翺
翔三徑裏嘯咏百花間叢桂秋方好朋游得共攀

何處謝人羣喧囂迹自分倚松憐晚操擷苴媚清芬夕
伴當樓月朝看出岫雲所欣違匠石樗櫟幸無文

此日南州榻翻同管幼安中林方偃仰深谷恣盤桓風

東國詩存
月吟邊得江山靜裏看
揭來慕真逸不爲路行難
市上得林泉城中有洞天
早聞招隱曲新就卜居篇
自足羣麋鹿真堪閱歲年
神仙從縹緲仙訣若爲傳
文苑夙翱翔僑居得此堂
獨慚蔣詡徑渾似杜陵莊
門外盟鷗社花邊待雁行
無能和春草吟興繞池塘
林逕緣蘿薜蕭齋近石峯
鈎簾雲氣薄拂榻翠陰濃
竟落詩書癖應迷苔蘚蹤
日斜聊倦讀啜茗對高松
疊嶂層崖裏浮嵐宿靄深
藤蘿遍生色松桂滿清陰
未遁淮南跡應同綺季心
真堪在巖岫旦夕作猿吟
晨夕眎庭柯考槃今在阿
琴音松裏足香氣谷中多
林

鄭思恭

字允之號太和居士平陽人詩一頁
授永康訓導遷藍山教諭存詩一首

遊南雁山

生平夙有山水癖好奇到處窮
日夕况復名山在境中
何然閒却謝公屐年來曾作玉
蒼遊捫蘿攀葛恣冥搜
懷賢憶昔徐公望湖山岑寂風
颼颼今入南雁萬山裡
洞壑幽深歷千祀隔斷塵寰自
一天四望烟巒如太始
行行漸躋仙姑洞洞古雲深嵐
靄重想見乘飈羽化時
鸞駟鶴馭紛相從月牖如規一
竅通誰將石竇開玲瓏
仰望鼇頭作天柱石梁雄跨兩
獅峯無奈幽竒天所闕
荆榛狐兔相蒙翳淒然興盡川
山靈回首翠微如隔世

明

東坡詩存

卷二十五

六

歸來兀坐檢殘編往蹟依稀尚宛然山神未許蠹魚
借我秉燭光可傳茲山久矣標震旦唐宋以還多詞翰
遠宗伊洛近武夷烟扉雲構紛無算嚮錄仰止寄遐思
今復續貂成是志登高望遠空嘆嗟映發山川吾輩事
萬物開塞各有時人生遇合那可知我憑毫端留琬琰
靈根應共天壤垂

杜

賜平陽人存
詩一首

贈王養素

人皆尚華靡君獨愛清素一瓢甘自怡萬鍾渺不顧興
來倚竹吟醉後枕書卧聞昔有夷齊亦守西山餓

葉

選永嘉人存
詩一首

入山和舍弟仰山韻

歎息年來滿眼塵春風覓棹一尋真山中猿鶴休相訝
原是烟蘿舊散人

葉

琳瑞安人存
詩一首

贈王養素先生

高遯棲雲谷烟嵐翠繞門陶琴尋古調義易見天根皎
皎真時時慎葆存菘葵肥小壠橘柚富東園聲利
渾拋擲溪山入品論物忘蕉覆鹿術陋菓欺猿杭秫
家釀魚蝦贍客餐玉梅光射漏綠竹秀踰垣皎鶴同
明

東園詩存
樂孤鳶肆奮騫五車馱肩屨百畝足雞豚龐老流風
巢由接夢魂酒瓢翻月影吟屐碾苔痕釣渚鳧鷗狎
爐龍虎蟠東山老安石天下望深源晚節松楸勁雲陰
梧桂屯清脩仰遺德文彩兆龍孫

王孟暉

字景耀永嘉人存詩三首

武昌晚泊

遙指春紅滿敝廬故山望斷萬山餘舟前日夜聞吹笛
夢裡逢人說寄書赤壁月明飛一鶴武昌水暖躍雙魚
相如多病還爲客懶散無心賦子虛

觀荷和韻二首

一水盈盈花亂開追涼亭畔漫徘徊
一棹浮香水月中
隔葉俄聞笑語來

十里芙蓉艷色同波光瀲灩泛長空清歌聽罷歸來晚
一棹浮香水月中

虞世暘

字舜治永嘉人著有方樓彙稿存詩三首

清明舟中

舟從雙嶼向三溪晶晶晴波接曙堤古寺迴風寒食柳
短牆臨水午時雞高低陵谷梨初放遠近郊原麥正齊
爲取烟光拚一醉莫教空酌草萋萋

秋閨

明

繡罷鴛鴦懶去眠徘徊紈畫屏前鶴聲嘹唳中天
牛女河邊月正圓

送人從軍

與君宴罷解吳鉤莫惜閨中少婦愁河上堅冰沙上月
由來此地覓封侯

侯一卿永嘉人存詩一首

送項季與游三吳

吳中文物盡精華江左風流總故家君去圍棋休賭墅
直教授筆賦梅花

陳道泰字時亨永嘉人存詩二十首

咏梅二十首集宋

鮫綃剪碎玉簪輕蘇子瞻一點疎花畫不成韓仲為語東

風加愛護馮海粟他年金鼎見調羹黃庚

天上仙姬謫降胎戴東望雪為肌體玉為腮陳搏無言自

得幽貞意劉屏山欲嫁東風耻自媒張實齋

瀟灑春葩編壽陽戴式之年年能占臘前芳梅聖俞自憐尚

有風流債劉應時勾引春情出苑牆楊蟠

手折林間一枝雪王梅溪萬卉千花莫比芳黃魯直插向膽

瓶籠紙帳黃庚重重贏得夢魂香朱淑真

氣壓羣陰首占陽王梅溪數株如玉照寒塘張道洽雪中

論調羹事

王沂公

百卉前頭第一芳

陳無已

孤高耻逐艷陽辰

尤延之

自占空山野水濱

韓仲止

寒苦一

生蘇武節

黃庚

和霜和月為精神

金子玉

數枝纖瘦少尤佳

趙目父

此是東風第一花

艾性夫

欲識箇

中竒絕處

朱仲晦

月黃昏後影橫斜

王梅溪

南枝昨夜暖先回

王梅溪

兩蕊三花帶雪開

黃庚

一笑相

逢亦竒事

陳簡齋

風前和我不塵埃

張實齋

家是江南友是蘭

陸務觀

北林消瘦孟郊寒

戴石屏

東風不

信心如鐵

歐陽光祖

已有調羹一點酸

陳無已

先春早占為誰忙

邵仲甘

半倚垣陰半

邵亶

折寄遙

憐人似玉

朱仲晦

長教夢繞月黃昏

黃庚

獨占新春第一芳

張子堃

巧如施粉如何郎

徐師川

終身只

友竹君子

張澤民

世上無花敢鬪香

楊廷秀

一枝春占暮江寒

方回

向背依稀畫亦難

林逋

移置窓

前伴松竹

王十明

結為三友冷相看

蘇軾

竹外籬邊一樹斜

尤延之

貌枯神澤骨槎牙

艾性夫

風流晉

宋之間客

張澤民

不是尋常見女花

王梅溪

山後山前兩屐霜

戴復古

吟分花露滴身香

黃庚

歸來紙

帳眠清夜

黃庚

羌管聲聲欲斷腸

張道洽

蕭然山澤一矐仙

陳君舉

映竹無人空自憐

田元邈

占斷春

魁傲冰雪

劉伯序

羣芳無復敢爭妍

王龜齡

年年臨水看幽姿

陳去非

破帽嚴霜打不知

張道洽

幾日寂

寥傷酒後

晏同叔

清香和夢結成詩

仇平

嶺北霜枝最多思

蘇軾

向人自有無言意

王介甫

攀翻剩

欲寄情親

王介甫

江南望斷無來使

陳無己

衆芳搖落獨芬披

釋雪巖

天與清香似有私

林君復

斜倚小

橋愁脉脉

崔德符

斷魂只有曉寒知

蕭東之

孤標粲粲壓羣葩

戴式之

曷與山礬定等差

趙昌父

玉色獨

鍾天地正

張澤民

更亡一點涴鉛華

劉改之

玉立寒烟寂寞濱

朱仲晦

暗香猶帶雪霜新

呂本

如今海

內無工部

黃庚

誰是巡檐索笑人

邵棠

王光美

字季中號玉蒼永嘉人例貢任光祿寺署正著有白鹿社諸草存詩十四首

枯蒼道上

空山頻立馬馬首撲清暉行李盤雲磴握衣濕翠微野

花迎路發山鳥背人飛回睇鄉關路停鑣日已西

同林逸民何无咎用晦兄吳江舟中

清江迴彩鷁晴沚擷芳蓀逆旅驩朋舊殊方得弟昆沙

明鷗鷺渚風暖鶴鴿原意氣憐同調相將倒綠尊

餉白箬村

午餉停山閣虛牕向碧岑村姑多異飾野客尚同音隴

麥合烟秀林桑積雨陰霞標遙入望促騎爲招尋

吳翁晉過陽湖感舊因痛先大夫有作

君去蓉初綻重來桃正緋撫時傷隙景含淚對春暉風
樹鳴清籟庭柯暗翠微低徊共尊酒松月已流輝

翁晉止王贊夫山齋雨中過集

小艇赴招尋迴溪竹樹深隔林聞笑語卽席盡知音翠
色侵窓暗花香帶雨淫沉酣不能去枝上有鳴琴

賦得玉河柳寄同志

崔巍宮闕直皇都萬柳森森蔭九衢婀娜垂條頻繫馬
深沉接葉慣藏烏烟縈空翠侵征旆風捲飛花散酒壚

回首故園羞笛裏可堪攀折寄江湖

送何无咎之白下兼柬陳公衡司馬

秋江片月印芳洲送爾扁舟汗漫遊九斗烟霞天外盡
三山風物望中收太邱意氣元同調水部才情豈易儔
儻問墻東能避世桃花春水足淹留

陽湖閣夜同吳翁晉坐月

樓頭夜氣逼人清復有尊前片月明交錯繁花難辨色
叅差雜樹不知名一區泉石留先澤半榻松風對友生
坐入冰壺忘境界水雲何處起歌聲

西湖榜歌四首

東區詩存
海日千林合江雲萬堞連湖光浩無際雙槳破蒼烟
棹歌迴舫艫雜沓亂湖陰未歇吳儂唱還聽越父吟
春郊競靡麗空山塵自稀中有閉關者山窓開翠微
佛日來天竺朝朝紫陌塵女郎香霧裏疑是散花人

白沙嶺望海

縹緲烟波一望收天風吹浪海東頭千峯紫霧通瑤島
恍見仙人十二樓

過石梁挈明上人同游赤城

霞標遙望碧山頭挈得高僧作伴遊杖屨梯雲仙路杳
還憑飛錫到丹邱

卷二十五終

溫州府

理河市圖書館